

Марат Казей

Марат һойнундан гранаталарны ушта соп алғаш, һиһа салып қаған.

Фашистэр чазы қуду қоштандыры чоруп чорааннар. Ырақшы нештар аьртында нюңус ла партизан бар болғанын билгеш, оларың һөме алып келгеннэр.

Марат автомады біле чычырадып дағжады берген. Ыһьцаарда барақсанның оһу төнэ берген!

Фашистэр билген чимэ дэғ. Мараттың чеьштынып олырған нешты оларың долғандыры чығлып келген. Мені діриһе алыр дээш, һөме туьтувыдарлар дэп Марат биливіткен. Марат тура сунғаш, фашистэр уун гранатасын меьрһелевітті. Тыққа ыыт, қышқы, фашисттың сооды дыңналған. Оол қаьттэйи тура сунғаш, қышқырывытты:

– Че, келиңер! Че!

Марат иһи гранатаны қолунда наьқ қылы туьтуп турған. Қағбаан. Гранаталары қолунда часты бергеннэр. Бір қаьш гитлершілер черге чуғлу берген.

Марат Казей герой болу берген. Ол аайында кишилернің сағычында аьрта берген.